

**UPA 2015/149: Siunnersuut uunga: Naalackersuinikkut sulinermut aningaasatigut
tapiissuteqartarneq pillugu Inatsisartut inatsisaata allanngortinneqarneranik
Inatsisartut inatsisaat nr. xx, uu. qqqq 2015-imeersoq.
(Partiinut nutaanut tunngaviusumik tapiissuteqartannginneq. Atuffiit allat pillugit
paasissutissiinnigkaanni qinigaanermut tapiissutisisinnaannginneq. Partiit sinnerlugit
aningaasartuutinik ilanngaassisinnaaneq)**

pillugu

Inatsisinut Ataatsimiititaliap

ISUMALIUTISSIISUTAA

siunnersuutip aappassaaneerpeqarnerani saqqummiunneqartoq

Suliarinninnermini Inatsisinut Ataatsimiititaliaq ukuninnga inuttaqarpoq:

Inatsisartunut ilaasortaq Laura Tàunâjik, Siumut, Siulittaasoq
Inatsisartunut ilaasortaq Justus Hansen, Demokraatit, Siulittaasup tullia
Inatsisartunut ilaasortaq Ineqi Kielsen, Siumut
Inatsisartunut ilaasortaq Aaja Chemnitz Larsen, Inuit Ataqatigiit
Inatsisartunut ilaasortaq Iddimanggiu Bianco, Inuit Ataqatigiit

Inatsisartut ataatsimiinneranni matumani Naalackersuinikkut sulinermut aningaasatigut tapiissuteqartarneq pillugu Inatsisartut inatsisaata allanngortinneqarnissaanik Inatsisartut inatsisissaattut siunnersuummik Inatsisartut Siulittaasoqarfiat saqqummiussivoq. Siunnersuut Suleriaatsimut Ataatsimiititaliamut tusarniaanertalerlugu Inatsisinut Ataatsimiititaliamut suliassanngortillugu innersuunneqarpoq.

Inatsisinut Ataatsimiititaliap Suleriaatsimut Ataatsimiititaliamut apeqqtai Suleriaatsimullu Ataatsimiititaliap taakkununga akissutai isumaliutissiissummut ilanngussaq 1-itut 2-tullu ilanngunneqarput. Tamatuma saniatigut allannguutissatut siunnersuut isumaliutissiissummut ilanngunneqarpoq.

1. Inatsisissatut siunnersuut

Inatsisip allannguutissaatut siunnersuut pingasunik immikkoortoqarpoq, taakkulu immikkoortillugit uani sammineqassapput:

A. Partiinut Inatsisartunut ilaasortaataitaqanngitsunut qinigaaffiulli iluani Inatsisartunut ilaasortaataitaqarsimasunut tapiissutit.

Inatsisartuni partiit partiinut tapiissutinik, tassaasunik tunngaviusumik tapiissutit qinikkanut ataasiakkaanut tapiissutinik ilaqartinneqartunik pisinnaatitaapput (qinikkatut tapiissutit). Inatsisartunut ilaasorta qinigaaffiup ingerlanerani partiimik nutaamik pilersitsiguni (partiimulluunniit piusumut Inatsisartunut qinigaatitsisimannngitsumut ilaasortanngoruni), partii pineqartoq immaqa *Inatsisartuni ilaasortaataitaqartutut* taaneqarsinnaassaaq, kisiannili *qinigaanikkut ilaasortaananani*: Inatsisartunullu qinersinermi taasinernik Inatsisartuni inissamut ataatsimut arlalinnuunniit naammattunik pissarsisimannngilaq. Taamaattoqannginnerani partii malittarisassat atuuttut malillugit partiimut tapiissutinik pissarsisinnaatitaannngilaq, taamaallaalli qinikkatut tapiissutinik pissarsisinnaalluni. (Partiinut tapiissutit qinersinermi angusanik ersersitsisuussapput, partiilu marlunnut avinnermigut tapiissutisiaminik marloriaatinngortitsisinnaassanngilaq). Taamaakkaluartoq tamanna pillugu malittarisassat ersarissarneqarsinnaanerit Siulittaasoqarfimmit iluaqutaasinnaasutut isumaqarfigineqarpoq, taamaalilluni taakku qanoq paasineqarnissaat kikkunnilluunniit qularutigineqarsinnaajunnaartillugu.

Aalajangersakkap atorneqarneranut atatillugu ajornartorsiutinut erseqqinnerusumik tamakkiinerusumillu (allatut) iluarsisummik oqaasertaliinerup uuma atorneqarsinnaanera Inatsisinut Ataatsimiititaliap isumaliutigisimavaa.

§ 3a. Partii naalackersuinikkut sulialik Inatsisartunut qinersinermi kingullermi qinigassanngortitsisimannngitsoq Inatsisartunulluunniit ilaasortanngortitsisimannngitsoq, kingornatigulli Inatsisartunut ilaasortamit ataatsimit arlalinnuunniit sinniisuuffigineqalersoq, partiip Inatsisartuni naalackersuinikkut sulineranut tapiiffigineqarsinnaatitaavoq. Tapiissut partiip ilaasortaataitanut ataasiakkaanut ukiumut 210.000 kr-iuvoq.

Imm. 2. Imm. 1 malillugu tapiissutit ukiumi partiip sinniisoqalerfiani tunniunneqassapput qaammammit partiip sinniisoqalerfiata naanerani ukiumut tapiissutissat agguaqatigiinnerat naapertorlugu.

Imm. 3. Partiimut sinniisuutitaq partiimut sinniisuutitaannngikkallarnermi § 4 malillugu attaviitsutut tapiissutisiaqarsimappat piffissami sinniisuutitap § 4 malillugu tapiissutisiaqarfigisaani ilaasortaatitamut qinikkatut tapiissummik partiimut tunniussisoqarsinnaanngilaq.

Aalajangersakkamik taamatut oqaasertaliinermi inatsisitigut inissisimanerup Siulittaasoqarfimmit siunnersuutigineqartoq assigissavaa, ataatsimilli assigiinngissuteqarluni.

Assersuummik uuminnga assigiinngissut takutinneqarpoq:

Inatsisartuni partiimit piusumit ilaasorta qartiimik nutaamik pilersitsiniarluni partiimit ulloq 20. januar ilaasortaajunnaarpoq. Partiili aatsaat ulloq 20. februar pilersinneqarpoq. Piffissarli taanna tikillugu Ilaasorta pineqartoq attaviitsuvoq taamaalillunilu piffissami 1. februarimii 31. decemberimut attaviitsutut tapiissutisiaqarnissaminik

piumasaqaateqarsinnaalluni. Partii nutaaq tamatuma peqatigisaanik piffissami 1. martsimiit 31. decemberimut ilaasortaaitamut tassunga qinikkatut tapiissutinik pisartagaqarnissamik piumasaqaateqarsinnaava?

Aalajangersakkamik allatut oqaasertaliinerup taassuma ajornartorsiut pineqartoq iluarsiivigivaa, tassami piffissami sinniisuutitap attaviitsutut tapiissutisiaqarnerata nalaani partiip qinikkatut tapiiffigineqarsinnaannginnera qulakkeeramiuk.

Aammattaaq allatut oqaasertaliineq taanna toqqarneqarpat § 5, imm. 2 aamma 3-mut innersuussutini kiisalu § 4a-tut siunnersuutigineqartup kingunerisassaannut iluarsiisoqartariaqassaaq.

Inatsisinut Ataatsimiititaliap Suleriaatsimut Ataatsimiititaliaq tamatumunnga qanoq isummernersoq aperivaa. Inatsisinut Ataatsimiititaliap allannguutissatut siunnersuummi oqaasertaliussanik allatut ilusiliineranut isumaqataanerminik Suleriaatsimut Ataatsimiititaliaq ersersitsivoq. Tamanna naapertorlugu allannguutissatut siunnersuummik Inatsisinut Ataatsimiititaliaq saqqummiussivoq.

B. Atuuffiit allat aningaasaqarnikkullu soqutigisat pillugit paasissutissiisussaaitaaneq.

Inatsisartut suleriaasiata allanngortinneqarnissaanut siunnersuutimini, Inatsisartunut ilaasortat atuuffitik allat aningaasaqarnikkullu soqutigisatik pillugit pinngitsooratik paasissutissiisarnissaat Siulittaasoqarfiup siunnersuutigaa. Tassunga atatillugu Siulittaasoqarfiup siunnersuutigaa partiinut tapiissuteqartarnermut inatsimmi aalajangersakkamik ikkussisoqassasoq, taanna malillugu partiimut ilaasorta q pinngitsoorani atuuffinnik nalunaarsuivissamut paasissutissiisimangippat tamanna malitseqartinneqartassasoq qaammatinut aallartittunut ilivitsunut tamanut ilaasortamut qinikkatut tapiissuteqartoqarsinnaannginneranik. Aammattaaq Siulittaasoqarfimmit siunnersuutigineqarpoq, qinigaatitamut ataatsimut tapiissutit tunniunneqareersut qaammatit arfinillit tikillugit utertinneqarnissaat piumasarineqarsinnaassasoq paasinarsissagaluarpat paasissutissiisutaasut tamakkiisuunngitsut eqqunngitsulluunniit (annertuunik amigaateqartut).

Naalakkersuisut akissuteqaamminni tamanna pillugu ima allapput:

Ilanngullugu siunnersuutigineqarpoq suliassanik nammineq piumassuseq malillugu nalunaarsuisarneq pinngitsoorani tamanit atorneqartalissasoq, tassa Inatsisartuni sulineq eqqarsaatigalugu erseqqissuliortarnissamik nalinginnaasumik anguniagaqarnermut atatillugu.

Tamanna ilutigalugu siunnersuutigineqarpoq ilaasortat suliassaminnik nalunaarsuisimangitsunut kinguneqaatissiisoqartassasoq, qaammatit tamaasa partiinut piginnaatitsissutitut tapiissuteqartoqartassanngitsoq, ilaasorta q ataaseq paasissutissiisimangippat imaluunniit pinngitsoorani nalunaarsuiffissamut eqqunngitsumik paasissutissiisimappat kinguneqaatissiisoqartassasoq.

Naalakkersuisut isumaqarput nammineq piumassuseq malillugu suliassanik nalunaarsuisarnerup pinngitsoorani tamanit atorreqartussanngortinneqarnera ajornartorsiutitaqassasoq, tassa ilaasortat ataasiakkaat piumasaqaatinik atuuttunik malinninngitsut pineqaatissiissummik partii ataaseq kinguneqaatissinneqartussaammat, taamalu toqqaannangitsumik partiini ilaasortat tamarmik eqqorneqassallutik – tassunga ilanngullugu suliassanik nalunaarsuisimasut maleruaqqusanillu malinnissimasut.

Naalakkersuisut siunertamut naleqqunnerusorivaat tamatumunnga taarsiullugu Inatsisartuni partiit ilaasortaatitatik kaammattussagaat inuussutissarsiumminnik aningaasaqarnikkullu soqutigisaminnik tamanut saqqummiussinissamat, tassa aningaasatigut pinngitsaaliineq kinguneqaatissiinerlu maleruaqqusanik unioqquitsisoq kisiat pinnagu allanik eqquisussat atornagit.

Naalakkersuisut eqqarsaasersuutit qulaani pineqartut aallaavigalugit kaammattuipput, naalakkersuinikkut sulinermit aningaasatigut tapiissuteqartarnek pillugu inatsisartut inatsisaata allanngortinneqarnissaanut siunnersuut kinguneqartitsinissamat iluarsineqassasoq, tassa ilaasortat ataasiakkaat suliassanik nalunaarsuinissamat piumasaqaatinik naammassinninngitsut aalajangersakkanut ilaatinneqannginnissaat eqqarsaatigalugu.

Tamanna tunngavigalugu Inatsisinut Ataatsimiititaliap Suleriaatsimut Ataatsimiititaliaq aperivaa, paasissutissiisussaataitanermit unioqquitsineq kinguneqartinneqartassanngippat, taava paasissutissiisussaataitanerup eqqunneqarnissaa Suleriaatsimut Ataatsimiititaliap isumaa malillugu isumaqarnersoq.

Suleriaatsimut Ataatsimiititaliaq akissuteqaammimi ima allappoq:

Suleriaatsimut Ataatsimiititaliap aallaqqaasiutigalugu oqaatigisariaqarpaa tunngaviusumik eqqumiilluinnarmat Naalakkersuisut akissuteqaamminni pissutissaqarsimammata apeqqummut tassunga isummaminnik ersersitsinissaminnut, tamannami Inatsisartut namminnek suliassaannut ilaasutut isigineqartariaqarmat.

Ataatsimiititaliap tulliullugu oqaatigisariaqarpaa nalinginnaasumik Inatsisartut innuttaasunit isigineqarnerat innarlerneqarsinnaammat, Inatsisartut atuuffinnik pinngitsoorani nalunaarsuisussaataitanermik eqqussippata, piffissarlu ingerlareersoq takuneqarsinnaalerpat taanna annertuunik amigaateqarluniluunniit asuli paatsiveerussaataaginnartoq, ilaasortat arlallit nalunaarsuivimmut nalunaarsuinissamik soqutiginninnginnerat mattussineraluunniit tunngavigalugit.

Pinngitsoorani atuuffinnik nalunaarsuinissap ataqqineqarnissaata qularnaarneqarnissaa eqqarsaatigalugu Inatsisartut kinguneqartitsinnaanissaat mattunneqassagaluarpat, taamaalillunilu pissusissamisoornerpaassaaq nammineq piumassutsimik atuuffinnik

nalunaarsuisinnaaneq ingerlatiinnarneqarpat. Kisiannili pinngitsoorani atuuffinnik nalunaarsuisarnissamik isuma Inatsisartunut ilaasortanit innuttaasunillu nalinginnaasumik tapersorsorneqarmat arlaatigut kinguneqartitsisarnermut aalajangersakkamik qularnaarisoqartariaqarpoq.

Taamatuttaaq pinngitsoorani paasissutissiisussaaneermik unioqquitsineq kinguneqartinneqartassanngippat Inatsisinut Ataatsimiititaliami isummerneq malillugu paasissutissiisussaataanerup eqqunneqarnissaa isumaqanngilaq.

Paasissutissiisussaataanerumut unioqquitsineq (taamaallaat) pisussaaffimminik unioqquitsisumut kinguneqaateqartinneqartussanngorlugu malittarisassat ilusilerneqassappata, paasissutissiisussaataanerumik unioqquitsinermi pinerluttulerinermi inatsit malillugu akiliisitaasussanngortitsisinnaaneq periarfissaalersillugu malittarisassiortoqarsinnaavoq.

Inatsisissatulli siunnersuummut nassuiaatini nalinginnaasuni tamanna pillugu Siulittaasoqarfik ima allagaqarpoq:

Peqatigitillugu Inatsisartut Siulittaasoqarfiat isumaqarpoq, tamatuma saniatigut annertunerusumik kinguneqartitsisoqartariaqanngitsoq, minnerunngitsumik pingerluttulerinermik inatsisunik tunngavilinnik. Tamanna nalinginnaasumik isiginnittaatsimut naapertuuppoq, tassami naalackersuinikkut atuuffinni ilungersunanninnerusumik sumiginnaanerni qinersisartut namminneq nalilersinnaasariaqarmassuk taamatut sumiginnaaneq pineqartup qinigaaqqissinnaaneranut sunniuteqartariaqarnersoq.

[...]

Tamanna naapertorlugu Inatsisartut Siulittaasoqarfiat isumaqarpoq, atuuffinnik nalunaarsuivimmumut atugassatut paasissutissiisussaataanerumik naammassinninnginneq pinerluttulerinermik inatsit malillugu malersorneqartariaqanngitsoq, taamaallaalli naalackersuinikkut sulinerumut tapiiffigineqarsinnaanermut kinguneqartariaqartoq.

Inatsisinut Ataatsimiititaliap Suleriaatsimut Ataatsimiititaliaq aperivaa, taanna tamatumunnga qanoq isummernersoq.

Suleriaatsimut Ataatsimiititaliaq akissuteqaammuni ima allappoq:

Inatsisissatut siunnersuummut nalinginnaasunik nassuiaatini atuarneqarsinnaavoq Siulittaasoqarfiup nalilersimagaa atuuffinnik pinngitsoorani nalunaarsiusussaataanerumut malittarisassanik malinninnginneq ilaasortanut ataasiakkaanut pilerluttulerinermi inatsit tunngavigalugu kinguneqartinneqartariaqanngitsoq, tassami taamatut

pinerluttulerinermi inatsit tunngavigalugit eqqartuunneqarnermik kinguneqartitsinerit qinigaasinnaanerup annaaneqarneranik kinguneqarsinnaammata, taamaattoqassappallu unioqutitsineq pineqaatissiissullu imminnut naapertuutissanatik. Tamatumunnga ilanngunneqarsinnaavoq pinerluttulerinermik inatsit malillugu kinguneqartitsisoqassagaluarpat suliasap suliarineqarnera siviisorujussuarmik ingerlasinnaassammata, taamaalilluni imaaleriaannaalluni qinikkatut sulinermi pisussaaffinnik sumiginnaaneq pillugu pinerluttulerinermi inatsimmi aalajangersakkat naapertorlugit eqqartuunneqarneq aatsaat naatsorsuutigineqarsinnaalluni ukiut arlallit qaangiunneranni – immaqalu aatsaat nutaamik inatsisartunut qinersisoqareernerata kingorna – tamannalu naapertuutinnigisoq ingerlaannaq takuneqarsinnaavoq.

Suleriaatsimut Ataatsimiititaliap taamaattumik siulittaasoqarfik isumaqatigaa pinerluttulerinermik inatsit atussallugu sakkusaanngimmat eqqortoq pinngitsoorani atuuffinnik nalunaarsuiffik pillugu malittarisassanik ilaasortat malinninnginnerat eqqarsaatigalugu.

Paasissutissiisussaataaernermit malittarisassanik, unioqutitsinermit pinerluttulerinermi inatsit malillugu akiliisitaanermik nassataqartumik, eqquassinisap siunertamut tulluannigisutut Siulittaasoqarfimmit naliliinermut Inatsisinut Ataatsimiititaliaq isumaqataavoq.

Pisussaaffimmik naammassinnittussap illua tungaanilu pisussaaffimmik naammassinnittussaaneermik sumiginnaasoqarnerani kinguneqaateqartitsinermit eqqugaasup ataasiusussaaneerata erseqqissaatigineqarnissaanut allatut iliornerusinnaavoq paasissutissiinissamik pisussaaffiup naammassineqarnissaanut aamma partiit ataasiakkaat akisussaaffilerneqarsinnaanerata – taamaaliornikkullu Naalakkersuisut isumaliornartoqartitsinerannut naaperiaalluni. Ilusiliinermi taamaattumi partiit ataasiakkaat tassaassapput paasissutissanik qinigaatitaminnut tunngassuteqartunik Siulittaasoqarfimmut tunniussisussat. Paasissutissat soorunami qinikkat aqqutigalugit partiinit pissarsiarineqartariaqassapput, tassa partigruppimut ilaasortanit ataasiakkaanit tamanit. Taamaammata pisussaaffiup naammassineqarnissaa siunertaralugu naapertuutissaq qinersisoqarnerani partii sinnerlugu qiniggassanngortissinnaanermit paasissutissanik pisariaqartinneqartunik partiimut tunniussinissaq akueralugu qineqqusaartut atsiortlutik uppersaateqarnissaat partiinit piumasaqaatigineqarsinnaappat.

Taanna taamatut ilusiliinermut qanoq isummernersoq, Inatsisinut Ataatsimiititaliap Suleriaatsimut Ataatsimiititaliaq aperivaa.

Suleriaatsimut Ataatsimiititaliaq tamatumunnga akivoq taamatut ilusiliinissaq Suleriaatsimut Ataatsimiititaliamit ilalernartinneqanngitsoq.

Suleriaatsimi paasissutissiisussaataaernermit aalajangersakkamut siunnersuutigineqartumut suleriaatsimi § 49, imm. 5-imik ikkussisoqarsinnaanera, taanna malillugu paasissutissiisussaaneermik sumiginnaaneq Inatsisartut ataatsimiinnerannit ullut 14-it pallillugit peqataasinnaatitaannginnermik aalajangersaasumik ikkussisoqarsinnaanera

periarfissat pingajorisinnaavaat, piffissami ilaasortap ataatsimiinnermut peqataasinnaatitaannginnermi nalaani aningaasarsianik pisartagaqarsinnaatitaannginnera tassannga aamma aalajangersarneqarluni.

Taanna taamatut ilusiliinnermut qanoq isummernersoq, Inatsisinut Ataatsimiititaliap Suleriaatsimut Ataatsimiititaliaq aperivaa.

Suleriaatsimut Ataatsimiititaliaq akissuteqaammini ima allappoq.

Pinngitsoorani atuuffinnik nalunaarsuisarnissaq eqqarsaatigalugu ilaasortanut pisussaaffimminnik naammassinninningsunut § 49, imm. 5-imi aalajangersagaq atorneqassappat Naalackersuisut ernummatissaarutissapput, taamaaliornikkut pineqaatissiisut pineqaatissineqartullu akornanni toqqaannartumik atassusiisoqassammat.

Taamaattorli § 49, imm. 5-imi aalajangersagaq maannamut suli atorneqarsimannigilaq, qanorluunniillu pisoqaraluarput aalajangersakkap atorneqarnissaa Inatsisartut Naalackersuisullu pillugit Inatsisartut inatsisaat naapertorlugu ilaasortat pisinnaatitaaffii eqqarsaatigalugit iliuutsit sakkortoorujussuartut isumaqarnarsinnaalluni. Pineqartumut atatillugu aalajangersagaq atorneqassappat tamanna aamma ulluinnarni suliniarnermi ajornartorsiutinik pilersitsisussaavoq, minnerunngitsumik aallaqqaataani suleriaasissiorqartariaqassammat Siulittaasoqarfimmumut assut ajornartuusussamik. Taamatuttaaq aalajangersakkap pineqartup atorneqarnera ilaasortanit minnerunngitsumillu innuttaasunit iliuutsit sakkortuallaartut nalinginnarsiornertullu misigineqarsinnaassalluni.

Tamanna tunngavigalugu Suleriaatsimut Ataatsimiititaliaq isumaqarpoq pinngitsoorani atuuffinnik nalunaarsuivik pillugu malittarisassanik ilaasortat malinninnigissinnaanerat eqqarsaatigalugu, qularnaarneqartariaqartoq erseqqinnerusumik immikkullu kinguneqartitsisarnermut aalajangersagaqarnissaa, isumaqarnarmat pinerluttulerinnermut inatsimmi Inatsisartullu suleriaasianni § 49, imm. 5-imi nalinginnaasumik pineqaatissiisarnermut aalajangersakkat ulluinnarni atorneqarsinnaanngitsut.

Taamaalilluni Naalackersuisut uparuaatitut saqqummiussaannut naaperiaaniarluni Inatsisinut Ataatsimiititaliap, Siulittaasoqarfiup ilusiliussassatut siunnersuutaanit allaanerusumik nassaarniarluni misissuereerluni, allatut iluarsisummik tulluurtumik nassaarnissaq periarfissaqanngitsoq paasivaa.

C. Nutserisitsinnermut aningaasartuutit

Naalackersuinikkut sulinnermi aningaasatigut tapiissuteqartarnermut inatsimmi partiit, kattusseqatigiit attaviitsulluunniit sinnerlugit Inatsisartunit aningaasartuutigineqartut partiinut tapiissutit ilanngaaviginerisigut utertinneqarsinnaanissaannut erseqqissumik tunngavissiisoqassasoq Siulittaasoqarfimmit siunnersuutigineqarpoq.

Taamak siunnersuuteqartoqarneranut tunngavigineqarpoq partiit ataasiakkaat qinigaaffimmi kingullermi partiip oqaaseqaatissaanik kalaallisut danskisullu allassimasunik tunniussisussaataitanerminnik tamakkiisumik ilaannakortumilluunniit sumiginnaasimanerat - naak 2009-mi inatsimmik allannguinnikkut partiinut tapiissutit ilaatigut suliassamut tassungarpiaq atugassiissutitut qaffanneqaraluartut.

Siullermeerinermi ilanngaassiviginnittarnissamut tunngavissatut siunnersuummut akerliliisoqarpoq, siunnersuutilli apeqqutillu kalaallisut allassimasumik tunniunneqarsinnaasariaqartutut partiimit ataatsimit isumaqarfigineqarpoq, nutserneqarnissaat partiimit isumagisassanngortinngikkaluarlugu.

Inatsisissatulli siunnersuummut saqqummiunneqartumut tunngatillugu inassuteqaat taanna toqqaannangitsumik taamaallaat sunnuteqarpoq. Partiit nutserisussaataajunnaassappata (taamaalillunilu suliassap Inatsisartut Allattoqarfiannut utertinneqarluni), taava partiinut tapiissutit suliassap taassuma isumagineqarnissaanut ullumikkut tunniunneqartartut ilanngaavigineqartariaqassapput.

Inatsimmik allannguinnikkut Inatsisartut Allattoqarfiannit partiinut aningaasaliissutinik nuussisoqarsimasoq Inatsisissatut siunnersuummut nassuiaatini erserpoq, taamaalillutillu partiinut tunngaviusumik tapiissutit 300.000 kr-iniit 650.000 kr-inut qaffanneqarlutik qinikkanullu tapiissutit 125.000 kr-iniit 170.000 kr-inut qaffanneqarlutik.

Tamanna tunngavigalugu Inatsisinut Ataatsimiititaliap Suleriaatsimut Ataatsimiititaliaq aperivaa, partiit nutserisussaataajunnaassappata partiinut tapiissutit qanoq annertutigisumik annikillisaavigineqassanersut .

Nutserisarneq partiiniit Inatsisartunut utertinneqassappat partiit ataatsimut tapiissutisiaat 850.000 kr-init ikinnerusunik ilanngarneqarnissaat ilimanangitsoq Suleriaatsimut Ataatsimiititaliaq akissuteqaammuni paasissutissiivoq.

Suleriaatsimut Ataatsimiititaliap tamatuma saniatigut ima allappoq:

Tamatuma saniatigut oqaatigineqartariaqarpoq imaangimmat suliassaq ilumut partiiniit Inatsisartut Allattoqarfiannut nuunneqarsinnaasoq, tamannaluunniit inatsisip allanngortinneqarneratigut periarfissaqaleraluarpat.

Taamaalilluni ilisimanangilaq Inatsisartut Allattoqarfiata nutserisoqarfiata imaaliillaannaq suliassaq tamanna tigusinnaassagaa atorfiit amerlineqanngippata peqatigitillugu allaffissanik ullumikkut pigineqanngitsunik pissarsisoqanngippat.

Tamatuma saniatigut tunngavissanut ilaasariaqarpoq naatsorsuutigisariaqarmat nutserisoqarfiup suliassaminik tamatuminnga tigusinissamut suliaminnut atatillugu annertuunik nangaassuteqarnissaat.

2. Allanguinissanik allanik pisariaqartitsineq

Suleriaatsimut Ataatsimiititaliap akissuteqaammini Inatsisinut Ataatsimiititaliaq kaammattorpaa isumaliutigeqqullugu inatsimmi § 5, imm. 2-mi 3-milu aalajangersakkat qanoq allangortinneqarsinnaaneri isumaliutigeqqullugit, taamaalilluni siunissami ulluni 1. januar aamma 1. juli qanoq ilaasortaataqartigineq tunngavigalugu partiinut tapiissutit tunniunneqartalerlutik. Partiip ukiup affaani siullermi ilaasortaatitaminik annaasaqartup ukioq naallugu tapiissutinik pisartagaqarnera Suleriaatsimut Ataatsimiititaliamit siunertamut naleqquttuutinneqanngilaq, tamanna soorlu inatsisip maanna oqaasertalerneqarnera malillugu taamaattoq.

Tassunga tunngatillugu Inatsisinut Ataatsimiititaliaq ima maluginiagaqarpoq:

Ukiumi qinnuteqarfiusumi ulloq 1. januar ilaasortat qanoq agguataagaanerat malillugu partiinut tapiissutit pillugit inatsimmi § 5, imm. 2-mit aalajangersarneqartoq malillugu partiinut tapiissutit naatsorsorneqartarput. Tapiissutit ukiumi qinnuteqarfiusumi piffissami 1. januarimiit 31. decemberimut ilaasortat nikerarnerat malillugu nutaamik naatsorsorneqarneq ajorput.

Taamaalilluni partii A-mi ilaasortaq ulloq 1. april 2015 partii B-mut nuukkuni, partiinut taakkununga marlunnut tapiissutit 1. januar 2016 sioqqullugu allangortinneqassanngillat.

Naak qinersinerup nassatarisaanik ilaasortaatit agguataarnerat ukiumi qinersiviusumi 1. januar allanguuteqaraluartoq, ukiumi qinersiviusumi partiinut tapiissutit iluarsivigineqartannginneri, naalakkersuinikkut sulinermut aningaasatigut tapiissuteqartarneq pillugu inatsimmi atuuttumi § 5, imm. 3-p aalajangersarpaa. (Partiilli, kattusseqatigiit attaviitsullu nutaat qaammatip qinersiviusup naaneranit tapiissutinik pissarsisinnaatitaapput. Tamanna inatsimmi § 3-mi aalajangersagaavoq).

Partiinut tapiissutit taamaalillutik aatsaat tulliani ukiut nikerinneranni partiip ilaasortaataqarnerata allanguuteqarneranut iluarsivigineqartarnerat aalajangersakkat taakku marluk ataatsimut nassataraat, tassami ukiumi qinnuteqarfiusumi ulloq 1. januar qanoq ilaasortaataqartigineq tunngavigalugu tapiissutit naatsorsorneqartarmata.

Kisianniuna inatsimmi atuuttumi § 9, imm. 2 malillugu tapiissutit ukiup affakkaarlugit tunniunneqartartut: Tapiissutit affaat siulliit Siulittaasoqarfik tapiissutinut qinnuteqaammik suliarinnereeraangat tunniunneqartarput. Affaallu kingulliit ukiup siulianut naatsorsuutinik kukkunersiukkanik Siulittaasoqarfimmumt nassiusseerernermi tunniunneqartarput. Naatsorsuutit kingusinnerpaamik 30. juni nassiuunneqassapput.

Allanguutissatut siunnersuutip Siulittaasoqarfimmit siunnersuutigineqartup nassatarissavaa § 9, imm. 2-p allangortinnissaata pisariaqalernera, taamaalilluni tapiissutit affaasa kingulliit siusinnerpaamik ulloq 1. juli tunniunneqarsinnaalersillugit. Taamaalilluni ulloq 1. juli ilaasortaataasut amerlassusaat tunngavigalugit tapiissutit affaat kingulliit tunniunneqarnissaat qularnaarneqarluni.

Inatsisinut Ataatsimiititaliaq allannguutissatut siunnersuummik tamatumunnga naapertuuttumik saqqummiussivoq.

3. Inatsisinut Ataatsimiititaliap inassuteqaataa

Inatsisinut Ataatsimiititaliaq isumaqatigiittoq allannguutissatut siunnersuummik saqqummiussivoq.

Inatsisinut Ataatsimiititaliap taamatut oqaaseqarluni siunnersuut aappassaaniigassanngortippaa.

Laura Tàunâjik,
Siulittaasoq
Siumut

Justus Hansen
Demokraatit

Ineqi Kielsen
Siumut

Aaja Chemnitz Larsen
Inuit Ataqatigiit

Iddimangiiu Bianco
Inuit Ataqatigiit